

Шогмо эл, порымиз да гим берг!

Будь готов/

ЯМДЕ-ЛИЙ

1933 ий 1 февраль годсек лектеш.

0+



5 октябрь –
Туныктышын
тўнъямбал
кечыже.

Икшывым туныктен луктат – эн кугу пиал тылат!



Фотом еш архив Гыч налме.

Марий Элысе школлаште пѳрѳен туныктышо-влак уке огытыл. Нуно физкультур, физике, математике уроклам вўдат. А тўналтыш класслаште туныктышо, чынжымак, шагал вашлиялтеш. Максим Григорьевич АЛГАЙКИН Морко район Кужер тўн школышко тений пашаш толын. Чылаже 13 туныктышо тырша. Тушечын иктыже – пѳрѳен. Коллективым Надежда Изосимовна Игнатовна вуйлата. Максим Григорьевич И.К.Глушков лўмеш Оршанке педколледжым 2016 ийыште тунем лектын. Кызыт тудын икымше классыштыже 16 ўдыр-рвезе уло. Тўналтыш классыште тунемше-влак туныктышыштым посна чот эскерат, тудын гай лияш тыршат. Сандене кажне тунемше деке корным кычалман, умылен моштыман.

– Йоча-влак дене пашам ышташ моткоч огай. Мыйым «кокимшо ачай, изай» маныт. Тидлан куанем веле. Ўдыр-рвезе-влак мыланем шкемын икшывем гай улыт. Нунын кечыла шыргыжмышт, ваштарешем куржын миен вашлиймышт – эн кугу куан, – ойла самырык туныктышо.

Е.ИВАНОВА.



Марий Эл Республикысе образований да науко министр Н.В.Адамова туныктымо пашаште кўкшѳ лектышым ончыктышо да 200 тўжем тенге премий дене палемдалтше эн сай туныктышо-влакым саламлен. Тыгай сенымашке 2-шо номеран Медведево школышто тўналтыш класслам туныктышо Т.М.Анисимова, марий йылым да ИКН-м туныктышо Т.П.Горшкова (Козьмодемьянск, «Дарование» школ-интернат), музыкым, светский этикым да религиозный культурын негызшым туныктышо О.А.Дарьина (Волжск, 5-ше №-ан школ), биологийым туныктышо Н.В.Нилова (Йошкар-Ола, 11-ше №-ан лицей), тўналтыш класслам туныктышо Е.В.Шалаева (Курыкмарий, Виловат) шуыныт.



*Шергакан туныктышо-влак!
Пайремда дене шокшын саламлена.
Туныктышо, кумда тўнъя мучко шер-
гылтеш ойлымо кажне мутет. Тый
йоча-влаклан шўм шокшетым пуэт.
Нунын дене чон пояныкетым
тѳр пайлет.*

Сенгымаш



9-30 сентябрьште «Орлёнок» всероссийский йоча рүдериште «Президентские игры» всероссийский танасымашын финалже эртаралтын. Тушто Российын 84 регионжо гыч үдыр-рвезе-влак танасеныт. Марий Элын чапшым Йошкар-Оласе 1-ше номеран школын командыже арален да нылымше верым сенен налын.

Фотосүретиште – Сардаял школын тунемшыже Алексей Егоров. Тудо 6-шо классыште шинчымашым налеш. Кажне тунемше ийын Алёша түрлө конкурсышто вийжым терга да сенгышыш лектеш. Тыршен тунемеш. Йолташыже-влак тудын деч примерым налыт.

Снимкыште: «И выпала нам честь родиться на Руси» республикысе общеобразо-



вательный организаци- ласе йоча ден туныкты- шо-влакын форумшт годым (2019 ий, апрель, У Торъял) «Край мой – гордость моя!» номина- цийыште икымше верым сенен налын.

Карина АРБУЗОВА.
Марий Турек район.

3 гыч 13 октябрь марте Подписчикын декадыже эрта. «Ямде лий» газетлан шулдырак ак дене возалташ лиеш.



Увер

1-24 декабрьште «Сириус» тунемме рүдер (Сочи) 9-10-шо класслаште тунемше-влакым «Алгоритмы и анализ данных» программе дене (йодмашым 10 октябрь марте пуыман), а 8-11-ше класслаште тунемше-влакым 2020 ий 3-25 январьыште «Литературное творчество: современный литературный поток» программе почеш (йодмашым 23 октябрь марте налыт) тунемаш үжеш. Уверым sochisirius.ru сай- тыште ончыза.

«Шонанпыл» унала толын

26 сентябрьште мемнан школыш «Шонанпыл» марий йоча передачым сниматлаш толыныт. Ме журналист ден операторым уло кумылын вашлийна. Нунылан концертым ончыктенна, почеламутым каласкаленна. Мыланем интервьюм пуаш пиал шыргыжалын. «Марий Юнкор-2019» слётышто лиймем нерген каласкаленам.
Эльмир АНИСИМОВ.
У Торъял, Токтарсола.



1 октябрь гыч 2020

Конкурс

ий 10 май марте всероссийский сүрет конкурс-влак эртаралтыт: «Хозяюшка», «4 шага к успеху», «Великая Победа!», «Русская иконопись», «Новогодний калейдоскоп».




Кеч-могай ийготан-влак ушнен кертыт. Конкурс-влак нерген www.familyalbum.me сайтыште лудса.



16 октябрьыште 12 шагатлан Йошкар-Олаште «Точка кипения» площадкыште (Красноармейский урем, 71-ше пöрт) йот йылмыла дене почеламутым лудмо «Мир вокруг нас» республиканский конкурс эртаралтеш. Танасымашке 1-8-ше класслаште тунемше-влак ушнен кертыт.



Звенигово район Поянсоло тўналтыш школ 2-4-ше класслаште тунемше-влаклан «Моя марийская земля» республиканский авторский йомак конкурсым эр- тар. Тудо марий серызе В.И.Бояринован шочмыжлан 95 ий теммылан пöлеклалтеш. Паша-влакым 16 октябрь марте Поянсоло школыш колтыман.



16 октябрьыште 13 шагатат 30 минут- лан В.Колумб лўмеш книга- гудышто эстон автор-влак Арво Валтонын «Пагыт модыш» да Андрус Кивирахкын «Куд шкетой окса шумлык» книгаштын презентацийже лиеш. Савыктыме да кусарыме пашам поэтессе Альбертина Иванова шуктен.

Шүдө ияш Марий театр



У тургым нерген
М.Шкетан лүмеш Марий
национальный драме теат-
рын директоржо
Э.А.ЮЗЫКАЙН дене ваш-
мутланымашым лудаш
темлена.

– Российысе национальный театр-влак кокла гыч Марий театр ик эн кугу ийготанлан шотлалтеш. Сандене ты лүмгечым ме чаплын, сайын да кугу кўкшытыштō эртарышаш улына. Эн кугу да вучымо куан – театрым уэмден олмыктымаш. У вашталтыш ончышо-влаккланат келша, шонем. Эртыше тургымышто тўналме пашанам умбакыже шуена: районлаште Театрын кечылажым эртарена. Тыгодым спектакльым ончыктена, артист-влак дене вашлиймаш лиеда, театр ончерым шергалаш темлена. Ноябрь кыдалне национальный драматургийын фести-вальжым да драматург-влакын семинарыштым эрта-



Тентгече,
4 октябрь-
ыште,
М.Шкетан лүмеш
Марий национальный
драме театр у тургымым
почын. Марий калы-
кын искусство храм-
же 100 ияш лүмгечы-
жым Театр идалы-
кыште палемда. 29 ноябрьыште
лүмгечылан пōлеклалтше кугу
пайрем лиеш.

рена. Тушко Татарстан, Чуваший да Калмыкий гыч уна-влак толыт. «Большие гастроли» программе дене келшышын, декабрь тўналтыште Башкортостаныш гастроль дене лектына.

– Эрик Алексеевич, лүмгече тургымышто ончышо-влакым у спектакль-влак дене куандаредат, очыни?

– Октябрьыште кум спек-

таклын премьерже лиеш: тиде «Шōртнō лудо» комедий (Ю.Байгуза, В.Пектеев), «Илена-йўлена» трагикомедий (венгр драматург Чаба Секей), «Уло яллан ик Йогор» комедий (В.Ткачѳв). Изиш варарак С.Чавайнын «Окса тул» пьесыж почеш шындыме спектакльым ончыктена. Марий калыкын уста эргыже, поэт, писатель, актёр Йыван Кырла нерген спектакль Марий Элын 100 ияш лүмгечыже вашеш, тыгак театрын шочмо кечыжлан шкешотан пōлек лиеш. Тудым Санкт-Петербург гыч ўжмō режиссёр Степан Пектеев документ, факт-влак негызеш шында. Сандене ты пашам документальный пьесе семын аклаш келша. Сенымашлан 75 ий темме вашеш «А зори здесь тихие» спектакльым ямдылена. Йоча-влакклан келшыше пашамат сценыш лукнена.

Л.ГРИГОРЬЕВА.

Ынже йом!

Марий йылме ава гай. Марий йылме – марий калыкын шочмо йылмыже, эн кугу поянлыкше. Мый марий улмем дене кугешнем. Шочмо йылме чон поянлыкым аралымаште кугу верым налеш. Молан кызт угла-ракше рушла кутыраш тыршат? Шочмо йылмын сылнылыкше, вийже нигунам ынже йом!

Никита КАЛИТОВ.

Национальный президент школ-интернат.



Проект корно дене

Кузнеч школнан ик ойыртемже уло. Мемнан школысо йоча-влак марий йылмым, мурым, марий койышым пагален моштат. Марий йылме дене экзаменым кучат, школышто тўрлō мероприятийыште марий йылме йонга, марий койыш озалана. Пытартыш ийлаште проект пашам ворандарен колтымылан кōра, Кузнеч да Руй кундемласе ятыр лүмлō ен дене палыме лийынна: тиде республикнан пагалыме ўдыржō ден эргыже-влак – Марий АССР Верховный Совет Президиумын председателже Р.А.Мамаев, СССР-ын калык депутатше З.А.Веденькина, филологий науко кандидат А.Ф.Веденькин, профессор, филологий науко доктор Н.Т.Пенгитов, Марий АССР-ын сулло туныктышыжо-влак Ф.П.Веденькин ден В.С.Атлашкин.

Ангелина ВЕДЕНЬКИНА.

У Торъял район.

01
112

Пожар годым тыгай номер дене йыңгыртыза.

Пожарный лийына

Тул йолташ лийын кер-теш, но тудын дене модаш ит тошт! Тидын нерген йочасадыште изи группо гычак каласкалена, йомакым лудына, эстафетым эртарена. Снимкысе рвезе-влак, кушкын шумекышт, пожарный лийнешт.

Ирина СЕМѢНОВА.

Медведево, У Арбан.



Авторын фотожо.



ТУКЫМ УЛЫНА

С.Г.Чавайнын шочмыжлан 6 октябрьште 131 ий темеш.

Сылнымут тугае ямле,
Ешаралтеш вий-куат.
Рудалтеш шомакше ямлын
Гармонистын, мыйынат.
Емыж-саска погымо семын
Йӱратем поэзий семым.

Чын поэзийын саскажым
Ала-кушто ит кычал.
Виян возышын пашажым
Ала-кӱ акла тачат.
Йӱратет гынсылнымутым,
Нал да луд почеламутым.

**Н.Д.ИЛЫНА, туныктышо.
Волжский, Карай.**

Рушла да марла возышо самырык автор-влаклан марий, руш прозо да поэзий, йоча прозо дене секций-влак пашам ыштеныт. Самырык возышо-влакын пашаштым кумдан палыме поэт, писатель-влак акленыт: Альберт Васильев, Эрик Петров, Игорь Попов, Анатолий Ишалин, Мария Илибаева, Елена Юнусова, Сергей Щеглов, Павел Шулепов да молат. Сай паша-влак «Эрвий», «Дружба» альманахлаште, тыгак «Литера», «Ончыко», «У сем» да «Кече-Солнышко» журналлаште савыкталтыт. Ойыртемалтше-влакым диплом дене палемденыт. Куандара, самырык возкалыше-влакын чотышт ок шагалем.

Шыже.
Уремыште юалге.
Чӱчкыдын йӱр
йӱреш. Кече
пыл коклашке
шылын. Кайык-
влак шокшо
элыш чонеш-
теныт. Пушен-
гысе лышташ-
влак нарын-
че, йошкарге, ужар,
кӱрен тӱсым налыныт.
Мардеж пуалешат,
лывыла койыт. Шыжым
чодыраште пеш сылне!

Андрей РЕПИН.

**Туныктышо – Роза Геннадьевна АНТРОПОВА.
Советский, Ӧрша.**



7-ше классыште ИЗО (искусство) урок годым шыже сӱретым ышташ каласышым. Андрей Репин сӱретше почеш икмыняр предложенийым серыш.



Сылнымутын ончыкылыкшо

Сылнымутым йӱратыше, аклыше, сылнымут шӱлышан-влак 26 сентябрьште Йошкар-Олаште «Сылнымут шыже-2019» семинар-совещанийыш погыненыт. Тудым Россий писатель ушемын Марий Эл Республикысе регионысо пӱлкаже Марий Элысе тӱвыра, печать да калык-влакын пашашт шотышто министерстве полшымо дене эртарен.



Ик участник дене кутырышна.
– Кӱ улат? – йодым.
– Пушкин, – вашештыш.
– Александр Сергеевичак огыл? – мыскарам ыштышым.
– Уке, Максим, – мане.

5-ше классыште тунемше Максим Пушкин Волжский район Пӱтъял школ гыч туныктышыжо Л.В.Кошаева да аваж дене пырля толын. Аважын каласкалымыж почеш, рвезын ручкаже шке «воза», юзо виян. Шинчеш веле – ик лаштык ямдат. Рвезе моткоч талантан, фантастикке сынан ойлымаш-влакым сера. Мастарлыкше аваж деч куснен, очыни. Тудат шке жапыштыже возкален. Максимлан кугу шӱкалтышым тӱналтыш класслаште туныктышо Зоя Николаевна Лесникова ыштен.

Х.АЛЕКСАНДРОВА.



С.ГРИГОРЬЕВАН фотожо-влак.

**Шола гыч пурлашке: прозаик
Е.Юнусова, Максим Пушкин да
Л.В.Кошаева.**

Туныктышо коваем

Антонина Илларионовна Сидорова – ялнан эн шонго енге, мыйын тукым кувавам. Тудо тўналгыш шинчымашым Кугу Шия ялыште налын. Икымше туныктышыжо Иван Иванович Яковлев лийын.

Кум классым окен пытарымек, тудым пошкудо Дюсьмет ялысе школышко тунемаш колтеныт. Шочмо ялыштыже школ почылтмек, кудымшо-шымше класслам 1934 ийыште Кугу Шия школышто пытарен. 1935 ийыште Марий Элысе Звенигово педтехникумыш тунемаш пурен. 1937 ийыште Козьмодемьянск олаште тунем пытарен. Варажым Почин-Кучук ялыште марий йылме ден природоведений предмет-влакым туныктен. 1940 ийыште шочмо школышкыжо пўртылын. Тыште тудо 36 ийыштен, почётан туныктышо лўмым налын.

Наталья СИДОРОВА.
Татарстан, Мамадыш,
Кугу Шия.

А.И.Сидорован
пўрымашыже нерген
https://vk.com/yamde_lii
тўшкаште тичмашнек
лудса.



«Мом ўдет, тудо шочеш», – маньт калыкыште. Чын, йоча шўм кумда – кумда пасу гаяк. Тушко тудо пырчым ўдыман. Пырчыже – тиде порылык, икте-весым пагалымаш, улылымаш. Туныктышына Зоя Ивановна Рябчикова лач тыгай поро шарнымашым тунемшыже-влакнан кода. Тудо 1967 ийыште Волаксола ялыште шочын. Волаксола, вара Зеленогорский школлаште шинчымашым поген. Оршанке педучилищыште физкультур отделенийым тунем пытарен да шочмо Волаксола школыштыжо 32 ий йоча-влакым спортлан кумыланда.

Снежана ФЁДОРОВА.

Морко район.

Кокымшо ава

Таче мый тендам 2-шо номеран Красногорский школын уста туныктышыжо дене палымым ыштынем.


Тиде Людмила Леонидовна Медведева. 1980 ийыште Оршанке педучилищым тунем пытарымеке, самырык специалист школыш вожатыйлан пашам ышташ толын. Кок ий гыч тудлан 2-шо классым ўшаненыт.

Тидлан 39 ият эртен. Людмила Леонидовна кызытат тыгаяк чолга да чулым, ушан да поро. 2020 ийыште ме тудын 10-шо выпускшо лийына.

Калыкыште арам огыл ойлат: «Туныктышо – кокымшо ава». Мыят тыгак шонем. Туныктышемем моткоч пагалем да йўратем.

Профессионал пайремже дене саламлем.
Аня ВИНОГорова.

Провой, Кожласола.



Элемын падырашыже

Мый Марий Элын чинче падырашыже улам. Ош тўняшке шочмемлан моткоч куанен илем: чевер кече шыргыжеш, лыжга мардеж шўргемым шупшалеш. Шнаран села – мыйын шочмо верем. Тушто мый шочынам, кушкынам, илыш вийым налынам. Шнаран села мотор верыште шинча. Йырваш кожер, куэр гўжлен шогат. Кенежым уремыште тўшкан коштшо комбо, лудо да чыве-влакым ужаш лиш. Ялыштына мотор школ верланен. Мый кажне эрдене йўратыме школышкем вашкем. Тыгак библиотеке, кок кевыт, медпункт, йочасад, пилорама, клуб улыт. Шнаран села тек пеледеш да тўзлана. Тудо мыйым азала рўпша, вийым пуа.

Юля НИКОЛАЕВА.
Советский, Шнаран.

Кугунур, марий ял,
Тый улат шўртньо гай.
Шочмо-кушмо ялышкем
Изин-кугун мый вашкем.

Таня КОРОЛЬ.
Советский, Ронго.



Ондропсола ялем

Параньга кундемшыте чодыран вер лийын, энер йоген эртен. Корем воктеке Ондроп лўман марий толын лектын. Тудлан вер келшен. Пўртым чонен да илаш кодын. Тыге тукымжо шарлен, ялым Ондропсола манаш тўналыныт. Руш-влак Ондропкино але Антропово, татар-влак Йырьяга маньт. Яндемирсола – тыге Атна волостьышто ойленыт. Кеч-могай лўмым нумалже, но шочмо вершўрем мыланем эн шерге.

Александра АНТРОПОВА.
Параньга район.





Ныл йолан йолташа

Умылтарена

Орымаш чер лүдмашан

Вольык ден янлык-влак коклаште орымаш чер (бешенство) чот шарлен. Чер моткоч лүдыкшө.

Тидын нерген Марий Эл Республикысе ветеринарий комитет председателыын сомылжым жаплан шуктышо Валентина Васильевна ВАВИЛОВА (снимкыште) умылтар:

– Орымаш черын вирусшо тун шотышто черле янлыкын але вольыкын шүвылжө дене кусна. Рывыж, шоншо, коля, куголя, пий, пырыс орымаш чер дене черланен кертыт. Черле янлык-влак осал лийыт, орат. Тыгодым нуно, калык илыме верлашке лектын, еным пурлын кертыт. Сандене жапыштыже прививкым ыштыман але, пурлмеке, вигак специалист деке кайман. Уке гын, колашат лишеш. Черле янлык-влак суртвольык умбак кержалтыт. Тыгодым ветеринар-влак карантиным увертарыме кундемыште вольыклан вакцинацийым ыштат. Сонарзе-влак дене пырля чодыраште эмым опат. Марий кундемыште рывыж-влак

черым шаркалат. Сандене лишыл жапыште черле янлыкым пытараш палемдыме. Яллаште шала коштшо пий, пырыс-влак айдемылан лүдыкшым ыштат. Тидын шотыштат паша шукталтеш. Озадыме суртвольыкым кучен, приютышко нангаят. Кажне ийын пий ден пырыслан прививкым ыштыктыман.



Э.РЫЖОВА ямдылен.

Марий Элысе Роспотребнадзорын увертарымыж почеш, сентябрь мучаште республикыштына орымаш черан ик пырысым, кок пийым да шым рывыжым пален налме. Волжский, Марий Турек, Килемар, Оршанке, Параньга, Шернур да Советский районлаште чер шарлыме лүдыкшө уло. Вич ен черланен, нуно жапыштыже эмлымверышке польшым йодын миеныт да эмлалтыныт.



Кум оза

Ондак мемнан кок пырыс лийын. Ынде эше ик пырысиге ешаралтын. Тудым мый пырля тунемме йолташем деч кондеман. Ксюша тудлан Тёма лүмым пуэн. Тёман пунжо шеме, шүчым ушештара, а йолешыже пуйто ош носким чиен. Пырысем-влак пырля кочкыт, модыт, малат. Пырысиге Мурка дене улгарак келша. Муркалан Тёма шке игыж гай чучеш. Күтү толмым палат, урмыш лектын шинчыт. Аваем шокшо шорым эн ончыч нунылан пуа.



Модышемем ондалам Да шыпак малаш возам. Ала ужынат шуктат Да колям кучаш колтат.

Оля СТЕПАНОВА.
Морко, Шап Унчо.

Ваня ГОРОХОВЫН
фотожо.
Советский, Кельмаксола.

Синк-вейн

Пий Осал, кугу. Кочкеш, мала, лүдыкта. Мыйын мөнгыштем пий уло. Йолташем.

Кирилл НИКОЛАЕВ.
Морко, Эгерсола.

Ой-ой-ой, сүретче мом йонгылыш сүретлен?



Онгай

Пырыс суткаште 18 шагатым мален кертеш. ***



Токио олаште (Японий) пачерым пырысге ужалат.

Мыйын уло пырысем. Тудын лүмжө – Рыжик. Модаш моткоч йората, Колямаат эре куча. Кидыш тудым мый налам – «Мыр-мур» манмым колыштам.

Надя ВОЛКОВА.
Шернур, Лажъял.



«Кутко сўанын» авторжо нergen мом палет?

1.19.. ий 20 сентябрьште шочын. 2.Шочмо вер – ... район Пайгусово села. 3.1926-1929 ийлаште ... шко- лышто тунемын. 4.1929 ийыште Козьмодемьянск оласе ... тунемаш пурен. 5.«Кыралшы» ... ден «У сем» ... кылым кучен. 6.«Йымыдымын мырыжы» – ... книгаже. 7.1935-1937 ийлаште «Кутко сўан» ... возен. 8.1943 ийыште поэ- тын ўмыржō фашист ... кўрылтын. 9.Поэтын ондакысе псевдоним- же – ...



Таблице почеш ойлыма- шым возен, мыланна колтыза. Эн онайжылан – пōлек!

Шыже		

К.Сануковын «Наши земляки: пути и судьбы» книгаж почеш В.СМИРНОВ ямдылен.

Синк-вейн

Мардеж
Тале, писе.
Лўшка, пуа, кылмыкта.
Пуракым тўргыкта.
Пўртўс.
Илья АЛЕКСЕЕВ.

Морко, Эгерсола.

Шыжын поянлыкше

Теве шыже толын шуо –
Йырваш нарынчын коеш.
Пакчаштат пашам

Пуным ўдем – шўдыр шочеш.

мый муым –
Кешырым кўнчаш каем.
Авам ден ачам пакчашке
Эркин каяш тарванат.
Мыйым пырля

Шийым шындем – шōртнō пеледеш.

шўдыралыч:
– Кешыр шудым кеч кўрат.
Мылам келшыш тиде сомыл,
Неле огыл йōршынат!
Ончыза, теве могае
Чапле кешырым муынам!



Костя ШЕХУРДИН
аваж дене пырля.

Шернур, Кукнур
Купсола.

Шотыш нал!

Н о й ы м ы м
шижат – пеледышым сўретле.
Сырыше улат – лийн-влакым удыро.
Иктаж-мозт коршита – ненче.
Шўлык авалтен – кагаз лаштыкеш тўрлō пеледышым сўретле.
Кумьлет вольшо – шонанпылым сўретле.
Лўдыкшō – пид але куэм гыч аппликацийым ыште.
Иктаж-мо але иктаж-кō шыдештара – кагазым тыгыдын-тыгыдын кушкед.
Азпланет – кагазым тўрлō семын тодышт.



Сўретым чиялте.

Индекс: П4696.
Тираж 1150 экз. Заказ
Формат – А-4-8.
Тўн редактор
Л.В.СЕМЕНОВА.

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет» кугужаныш унитарный казна предприятий.

Газетым Массовый коммуникаций сферыште да культур наследиим аралымаште законодательством шуктен шогымым эскерыше Федеральный службын Приволжский федеральный округысо управленийыштеже регистроватлыме.
Номер – ПИ №ФС 18-1999,
2005 ий 10 февральште пуымо.

0+

Печатыш пуымо жап – 14-00,
фактически – 13-00

https://vk.com/yamde_lii
https://ok.ru/yamde_lii
E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.pro,
Тел. 8(8362) 45-22-82(факс)

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем,112.

Авторын да редакцийын шонымашышт тўрлō лийын кертыт. Серыш-влак мōнгеш огыт колталт. Ак – кутырен келшыме почеш.

Редакцийын да издательнын адресше: 424006, Йошкар-Ола, СССР Вооруженный Вийын 70-ше идалыкше урем, 20 (почтовый) Эгерўмбал Амстердам, 1 (фактический).

